

2 Pita

Naoa itəm tatol kəiu lan itəm Pita təməte

Nəghatən əkuəkir rəha naoa u 2 Pita

?Pah təməte naoa u? Pita təməte naoa u.

?Təməte tatuwin kəm pah? Təməte tatuwin kəm netəmim rəha niməfak.

?Nəmegəhən tahro nulan nian təməte? Pita titun məmə otəsuwəhən timis, kən molkeike məmə otos-ipən rəhan namnun nəghatən kəm niməfak.

?Təməte naoa u o naka? Tolkeike məmə otəhgaiir kən mэгətun netəmim rəha niməfak məmə iəgətun eiuə min okotuwa ilugin elat. Məto niməfak otəkəike matətul əskasik matətəu-pən əm nəgətunən itəm tətuatip. Kən molkeike məmə nahatətəən rəhalat e Iesu otəkəike muwa məskasik, kən nitunən rəhalat o Iesu otəkəike məwiə.

Pita təmən təwir kəm ilat

(Jut 4-13)

1 ¹Io Saimon Pita, io slef ne aposol rəha Iesu Kristo. Iatən təwir kəm itəmat itəm nəmotos nahatətəən itəm in təwir tahmen e rəhatimat. Nəmotos nahatətəən əh e nolən ətuatip rəha rəhatat Uhgīn ne Iosmegəh, inu Iesu Kristo.

²Pəs Uhgīn otawte-in rəhan nəwirən ne nəməlinuən taprəkis agin kəm itəmat məto-inu nəkotitun Uhgīn, ne Iesu rəhatat Iəramərə.

Uhgīn təmaun-in ilat məmə rəhan min netəmim

³E nəsanənən rəha Uhgīn, təmos-ipa kəm kitat natimnat rafin itəm okotəkəike kos rəha nəmegəhən ne nolən min itəm kotətuatip kən Uhgīn tolkeike. Tatos-ipa e nitunən rəhatat ron. In təmaun-in kitat e rəhan atip əm nəsanənən ne nəwirən. ⁴Kən e nəsanənən ne nəwirən rəhan, in təmos-ipa rəhan nəniəkisən min itəm iahgin kən məwir pik. Təmos-ipa nəhlan

məmә e nənīākisən min əh, nəkotitun nuwamən motol kitīəh e nolən rəha Uhgīn, kən motagīm rəkis e nərātən rəha nətueintən itəm tāmisi-pən e nolkeikeən rat min e niki netəmim.

⁵Kən tol nəhlan, nəkotəkəike motalkut pik məmә nolən rəhatəmat otuwa təwir agin. Rəhatəmat nahatətəən əh-ikin, kən nəkotəkəike motol min nolən min u: otol təwir kəm netəmim, kən otos nitunən, ⁶otehm wir rəhatəmat nətəligən ne rəhatəmat nolən min; kən otətul əskasik e Uhgīn nian nərātən tatuwa, kən otos-ipən rəhatəmat nəmegəhən rafin kəm Uhgīn kən motol nəwian,^a ⁷kən otolkeike iəfak min, kən otolkeike netəmim rafin. ⁸Təwir məmә nəkotol nolən min əh, mətō-inu nian nəkotol motol motol ilat, kən rəhatəmat nitunən e rəhatat Iərəmərə Iesu Kristo otoe-in noan e nəmegəhən rəhatəmat. ⁹Mətō okəmә etəmim kit təsolən ilat, kən in tahmen e suah kit itəm təruru nuag-pənən isəu, o kəm-naka niganəmtin təpis, kən in təmaluin məmә Uhgīn təmafəl rəkis nolən rat min rəhan aupən.

¹⁰Tol nəhlan piak min ne winik min, nəkotəkəike kalkut əskasik məmә nəkotol nolən min əh, kən ilat okotəgətun məmә nīpahrienən, Uhgīn təmitəpən itəmat, kən maun-in itəmat məmә rəhan netəmim. Mətō-inu okəmә nəkotol natimnat min əh, kən okol nəsotəmeən nian kit, ¹¹kən Uhgīn nikin otagien məmә oterəh e toa otəmat məmә nəkotitun nuwinən ikin itəm Iesu Kristo, rəhatat Iərəmərə ne Iosmegəh, in otərəmərə lilin ikin.

¹²Tol nəhlan, nian rafin ekəkəike matən-ipinə natimnat min u kəm itəmat məmә nikitəmat otəht min, nat ənpapin nəkotitun ilat, kən motətul tiəkis e nīpahrienən itəm nəmotos rəkis. ¹³E nian iakatəmegəh e nətueintən u, nīkik təht məmә tətuatip məmә ekən-iarəp min natimnat min əh məmә nikitəmat otəht min, ¹⁴mətō-inu ekitun məmә otəsuwəhən ekimis, tahmen məmә rəhatat Iərəmərə Iesu Kristo təmol əp ətuatip kəm io.^b ¹⁵Kən ekəkəike malkut pik roiu məmә onəsotaluinən natimnat min u nian oekimis rəkis.

¹⁶Nian emotən-iarəp kəm itəmat məmә Iesu Kristo otuwa min e nəsanənən, eməsənən namsu min itəm suah kit təmol e rəhan əm nətəligən, mətō itiməhal eməhaləplan ətuatip e niganəmtitiməhal məmә rəhan nəsanənən ne nəhag-əhagən in ilis agin.^c ¹⁷⁻¹⁸Itimat min Iesu əpəh ilis e nitot rəha Uhgīn nian Uhgīn Tata təmos-ipən nisiiaiən kəm in, kən mol in nəhag-əhagən tasiə miet e nīpətin, kən təmətō nəwia Uhgīn u Nəhag-əhagən Asol təmən kəm in məmә, “Inu nətik itəm iakolkeike, nīkik tagien pik ron.” Itiməhal atip eməhaləto nəwian əh tāmisi-pən e nego e neai.^d

a 1:6 Kal 5:22-23 b 1:14 Jon 21:18-19; 2 Kor 5:1 c 1:16 Mat 17:1-5 d 1:17-18 Mat 17:5; Mak 9:7; Luk 9:35

¹⁹Natimnat min əh təmol itimat ekotitun wir məmə nəghatən rəha ien min aupən in nīpahrienən. Kən təwir məmə itəmat min onəkotətə wir nəghatən əh. In tahmen e lait kit tətasiə e napinəpən, mətoarus-pən tian, kən fetukai tinər e nikitəmat. ²⁰Kən nat asol e natimnat min u, nəkotəkəike motitun məmə nəghatən rəha ien min e Naoa Rəha Uhgīn, ien kit təməsən atipən nəghatən min əh,^e ²¹məto-inu nəghatən rəha ien min tāsisi-pənən e nətəligən rəha netəmim əm, məto netəmim kəmotən-iarəp nəghatən itəm təmisi-pən e Uhgīn nian Narmin Rəhan təkək nikilat.^f

Iəgətun eiueiuə min

2 ¹Məto ien eiueiuə min əh-ikin e niki netəm Isrel aupən, kən e nolən kitih əm, iəgətun eiueiuə min okotuwa min e nikitəmat. E nolən anion, okotən-iarəp nəgətunən eiueiuə min itəm otərəkin rəhatəmat nahatətən, kən taprəkis-in nat u, ilat okotəuhlin mənətaalat o rəhalat Etəm-iasol, nat ənnapin in təmos-nəmtin ilat. Kən otəsuwəhən, Uhgīn otərəkin ilat e nalpinən itəm ilat atip əm koatiuw-pa.^g ²Kən netəmim tēpət okotətəu-pən nolən rat min rəhalat itəm tol naulisən. Kən tol nəhlan, netəmim tēpət okotən rat suatip rəha nīpahrienən. ³Kən məto-inu ilat iaumis min o mənī, kən okotos rəhatəmat natimnat e nolən eko-eko e noanage min itəm kəmotisi-pən əm e nətəligən atip əm rəhalat. Nuwəh aɡin, Uhgīn təmən-iarəp nalpinən rəhalat, kən otəsuwəhən in otərəkin ilat.

⁴Itəmat nəkotitun məmə in otol nalpinən əh məto-inu nəmotəplan nolən rəhan aupən. Nian nagelo min kəmotol təfagə, Uhgīn təsaskəlīm əmən rəhalat nalpinən, məto təmərakin-pən ilat e nīpəg asol teiuaiu aɡin, ikin rəha netəm kotərat, kən təməlis ilat e sen, kən kotatig e napinəpən mətoarus-pa in otələhəu nəghatən o nalpinən rəhalat.^h ⁵Kən Uhgīn təməsaskəlīm-əmən nalpinən rəha netəmim aupən itəm kəmoatəht nəwian e nian rəha Noah, məto təmohamnu ilat e naruəh asol itəm təmai. Məto Noah təmatən-iarəp nəghatən rəha nolən itəm tətəuatip e niganəmti Uhgīn, kən Uhgīn təmosmegəh in, ne rəhan netəmim sepin.ⁱ ⁶Kən Uhgīn təmol nalpinən o nəratən rəha netəm Sotom ne Komora, kən təmaan taon mil əh e nīgəm, kioal nəmtap lan. Inu tatəgətun nat naka itəm otol kəm netəm min u itəm koatəht nəwian.^j ⁷Məto in təmosmegəh Lot. Suah əh in etəm tətəuatip e niganəmti Uhgīn, kən nikin titəhmə o nolən rat min itəm tol naulisən rəha netəm min əh-ikin əh u kəmoatəht

e 1:20 Suatip kit min o nəuhlinən nəghatən Kris e 1:20 tol nəhlan: “Kən nat asol e natimnat min u, nəkotəkəike motitun məmə suah kit tikə məmə, in pisin əm otən nīpətī nəghatən rəha ien min itəm kəməte e Naoa Rəha Uhgīn,” **f 1:21** 2 Tim 3:16; 1 Pita 1:11-12 **g 2:1** Mat 24:11; Jut 4 **h 2:4** Jut 6 **i 2:5** Jen 6:1–8:22; 2 Pita 3:6 **j 2:6** Jen 19:24; Jut 7

nəwia Uhgín.^k ⁸ Kən in təmətətig ilat min ilat, kən nian rafin in təməplan nolən rat min rəhalat, kən matəto nəghatən rat min rəhalat, kən nian rafin əm, nikin itəm tətəuatip əm, təmāhmə pik o nolən rat min rəhalat.

⁹ Natimnat min əh tatəgətun məmə İərəmərə Uhgín titun nosmegəhən netəmim itəm kotahatətə lan, kən titun nəmki-rəkisən ilat e nəratən itəm kotatig lan. Məto netəmim itəm kəsotətəuatipən, Uhgín titun naskəlīmən mol nalpīnən kəm ilat roiu muwin mətoarus nian in otələhəu nəghatən o nalpīnən rəha netəmim. ¹⁰ Uhgín otol nalpīnən kəm netəm rat rafin, məto in otol nalpīnən asol kəm netəmim itəm koatol natimnat rəha naulisən itəm nīpətīlat tolkeike məmə okotol, kən natimnat u koatol ilat tamkīmīk, kən netəm min əh koatəpəs nərəmərəən rafin.^l

Netəm min əh kətausit məsotəginən nat kit, kən məsotəginən nən ratən natimnat e nego e neai itəm koatəmegəh u ilat ilis pik. ¹¹ Nat ənnapīn nagelo min, itəm ilat kotəsanən kən nahgilat tēpət taprəkis-in netəm min əh, məto nagelo min kəməsotəhaiən natimnat ilis pik əh, məsotətə-pənən nəghatən kit elat e niganəmti İərəmərə Uhgín.^m ¹² Məto netəm min əh koatən rat natimnat itəm kəsotitun wīrən. İlat kotahmen e nat iarupīn min, itəm rəhalat nətəlīgən tikə, məto koatol əm nat itəm nīpətīlat tolkeike. Nat iarupīn min əh kəmotaiir məmə netəmim okotarupīn-in ilat motohamnu ilat. Kən Uhgín otərəkin min netəm rat min əh tahmen e nat iarupīn min əh.ⁿ ¹³ Uhgín otətou ilat e nəratən məto-inu ilat kəmotol nəratən kəm netəmim.

Kən iəgətun eiueiua min əh, nīkilat tagien məmə okotəgwən ne motənim pik, sənəmə lapīn əm məto e nərauiəgən. İlat kotahmen e napīnən e nīməhan, o kotahmen e nīməgəm itəm tatol aulis itəmat, moatərəkin nərgi nīməfak. Kotuwa motəgwən itəmat min ilat, məto koateiua-in itəmat, moatol nolən tərət. ¹⁴ Nian rafin rəhalat nətəlīgən tatuwīn o nakləh-inən nīpitan itəm rəhalat nətəlīgən timətīg əm, kən nian rafin koatol təfəgə rat məsotəpəsən. Koatiuw rəkis netəmim itəm rəhalat nətəlīgən tətəliwək-aliwək, koatuwīn e nolən rat rəhalat. İlat koatəgətun atip ilat e nolən rəha naumisən. Uhgín təmən rəkis nalpīnən rəhalat. ¹⁵ İlat kəmotəpəs suatip itəm tətəuatip, kən moteko motətə-pən suatip rəha Palam nəti Peor, itəm təmolkeike pik nosən məni e nolən tərət.^o ¹⁶ Məto togki kit təməhai o rəhan nolən tərət min. Kitat kotitun məmə togki təsəghatən, məto Uhgín təmol məmə togki tatəghat e nīki etəmim məmə otən-iahau nolən eko-eko rəha ien u.^p

¹⁷ İəgətun eiueiua min əh kotahmen e nəmti nəhau itəm təmamiir, o kotahmen e nīmal napuə itəm nīmətəg asol təməmki-rəkis, kən nuhuən tikə lan, məto-inu nəgətunən rəhalat kotərət. Uhgín təmələhəu kalīn

nāpināpān asol māmā rēhalat.^q ¹⁸ Ilat koatēghat ausit e nēghatēn itēm nīpētīn tīkē. Koatēghat e nēghatēn mīn rēha nolēn mīn itēm nīpētī netēmim kotolkeike, kēn moatiuw-pa netēmim kotuwa e nēratēn itēm kēmōtiet wi ēm lan. ¹⁹ Koatēn-iākis māmā netēmim kotitun nētēu-pānēn natīmnat itēm ilat kotolkeike, lou kit tīkē lan. Mēto ilat atīp slef mīn rēha nolkeikeēn rat mīn rēhalat, mēto-inu suah kit in slef rēha nat naka itēm tatērāmērā lan. ²⁰ Mēto okēmā kotagim rākis e nēratēn rēha nētueintēn nian kotitun Iērāmērā ne Iosmegēh rēhatat Iesu Kristo, kēn uarisig lan kotitēlig e nolēn rēha tēfagē rat, motuwa slef rēhan, ilat kotatig e nēratēn itēm in tērat taprākis-in itēm in aupān.^r ²¹ Okēmā ilat kēmōtēruru agin suatīp rēha nolēn ētuatīp, in tēmāwir pik olat, taprākis māmā ilat kinōtitun suatīp ēh kēn uarisig lan kotēuhlin mēntaalat o nēghatēn rēha Ughin itēm kēmōs-ipān kēm ilat.^s ²² Ilat koatol māmā nimāa nēghatēn mil u kueia mioal nīpahrienēn elat. Katuēn māmā, “Kuri kit tēmītēlig muwīn matun nat itēm in tēmēoa-in rākis,” ne “Pīkēs itēm tēmāig mēruēn, kēn mītēlig mīn muwīn mētāig e nēmīt.”^t

Nian rēha Iērāmērā

3 ¹ Iolik mīn, inu rēhak naoa itēm tatol kēiu lan tatīmno otēmat. Emōte ilau kērēn māmā nīkitēmat otēht mīn natīmnat mīn ēh, kēn māmā katuhgair itēmat mol nētēligēn rēhatēmat tētūatīp. ² Iakolkeike māmā onēkotētēlig-in mīn nēghatēn mīn itēm ien mīn rēha Ughin kēmōtēn aupān, ne nēghatēn rēha Iērāmērā Iosmegēh rēhatat itēm rēhatēmat aposol mīn kēmōtēn-iarēp kēm itēmat.^u

³ Nat kit itēm nakōtaupān motītun māmā, e nian Namnun Nian tatuwa iuhkīr, netēmim neen okotuwa itēm kotētēu-pān ēm nat nīpētīlat tolkeike māmā okotol, kēn ilat okotēghat ausit motēn rat nēghatēn rēha Ughin.^v ⁴ Okotēn māmā, “?Tāhro? ?Tēmān-iākis rākis māmā otuwa mīn, mēto in hiē? E nian itēm tīpītat mīn kēmōtīmīs mētoarus-pa u-roiu, natīmnat rafin tahmen-ahmen ēm. Kēn aupān aupān agin, nian Ughin tēmōl nētueintēn mētoarus-pa roiu, natīmnat rafin kotahmen-ahmen ēm.”^w ⁵ Koatēghat nēhlan, mēto ilat kēsotolkeikeēn māmā okotētēlig-in māmā e nēghatēn rēhan, Ughin tēmōl neai ne nētueintēn. Kēn mol nēptēn tiet ilugin e nēhau, kēn mos nēhau mol ikīn mīn rafin e nētueintēn.^x ⁶ Kēn tēmātīg mos mīn nēhau ēh mau-tēlīmīn mērākīn nēptēn aupān ikīn lan.^y ⁷ Kēn nēghatēn ēh rēha Ughin tētāskēlīm neai ne nīmēptēn kētūatīg roiu, kēn ilau okētūatīg mētoarus-pa nian in otaan ilau e nīgēm e nian rēha nakilēn ne nalpīnēn rēha netēm koatēht nēwia Ughin.

q 2:17 Jut 12:13 r 2:20 Mat 12:45 s 2:21 Luk 12:47-48 t 2:22 Prov 26:11

u 3:2 Jut 17 v 3:3 1 Tim 4:1; Jut 18 w 3:4 Mat 24:48 x 3:5 Jen 1:6-9 y 3:6 Jen 7:11; 2 Pita 2:5

⁸Məto io min neen, sotaluinən nat kitiaħ u məmə, e nətəligən rəha İəramərə Uhgın, nian kitiaħ in tahmen e nup wan-taosan, kən nup wan-taosan in tahmen e nian kitiaħ.^z ⁹Netəmim neen, nikilat təht məmə Uhgın təpou o nol uəhaiən nəniəkisən rəhan, məto sənəmə tol nəhlan. Rəhan nətəligən təfəməh otəmat, kən təsolkeikeən məmə in otərəkin etəmim kit, məto tolkeike məmə netəmim rafin okotəuhlin məntaalat o nolən rat min rəhalat motitəlig-pən ron.^a

¹⁰Məto Nian Rəha İəramərə otuwa tahmen e etəmim təmuwa məmə otakləh, otuwa e nian itəm etəmim təruru. E nian əh, kotəto nərkərikən asol, kən neai otikə. Kən nigəm otus mərəkin mitgar, ne məwig, ne məhau min, kən nigəm otus nətueintən ne natimnat rafin kotatig lan, kotikə agin.^b

¹¹Kən məto-inu Uhgın otərəkin rafin agin natimnat min əh e nolən əh, itəmat nəkotəkəike motətəlig-in nolən rəha nəmegəhən rəhatəmat. Nəkotəkəike motətəu-pən suatip itəm nəmegəhən rəhatəmat okotətuatip e nigənəmti Uhgın, kən nəmotələhəu kalın məmə rəhan. ¹²Nikitəmat otəkəike magien o nian əh itəm tatuwa, kən motol natimnat itəm okotol nian əh otuwa uəhai əm. E nian əh, nigəm otus mərəkin neai, kən nəgəpanən otol mitgar, ne məwig, ne məhau min okotaiəh motikə. ¹³Məto Uhgın təmən-iekis məmə otol neai wi ne nətueintən wi, ikin rəha netəmim itəm kotətuatip e nigənəmtin. Kən koatəsahgin nat əh o nəniəkisən əh.^c

¹⁴Tol nəhlan, io min neen. Kən məto-inu nakoatəsahgin nian əh itəm tatuwa, otalkut əskasik məmə Uhgın otəsehmanə napinən kit e nəmegəhən rəhatəmat, kən təfagə rat kit tikə lan, kən nəkotatig e nəməlinuən itəmat min. ¹⁵Nəkotəkəike motos e rəhatəmat nətəligən nat u məmə, nolən rəha nətəligən əfəməh rəha İəramərə otat, tatol məmə in otosmegəh netəmim neen min. Inu tahmen e nəghatən itəm piətə wir Pol təməte kəm itəmat e nenatigən itəm Uhgın təmos-ipən kəm in.^d ¹⁶Tatəghat-in natimnat min əh e naoa min rafin rəhan. E naoa min əh, natimnat neen əh-ikin itəm tiəkis məmə okotitun. Kən netəm kəsotolən skul məsotitunən nat, kən rəhalat nətəligən tətəliwək-aliwək, ilat koatəuhlin nəghatən min rəha Pol, e nolən kitiaħ əm itəm koatəuhlin nəghatən rəha naoa neen min rəha Uhgın. Kən Uhgın otərəkin ilat ron.

Namnun nəghatən

¹⁷Kən tol nəhlan, io min neen. Məto-inu nəkotitun rəkis nat u, otaiir məmə nəghatən alməl rəha netəmim itəm koatəht nəwia Uhgın, okəsotiuw-rəkisən itəmat e ikin rəhatəmat nahatətən təskasik ikin, kən

z 3:8 Sam 90:4 a 3:9 Hab 2:3; 1 Tim 2:4 b 3:10 Mat 24:29,35; Luk 12:39; 1 Tes 5:2
c 3:13 Aes 65:17; 66:22; Nol Əpən 21:1,27 d 3:15 Rom 2:4

nakoatəme e rəhatəmat nahatətəən.^{e 18}Məto otol rəhatəmat nahatətəən təwiə məskasik e nitunən rəha Iəramərə ne Iosmegəh rəhatat Jesu Kristo, kən təwiə min e nəwirən itəm tətawte-in kəm itəmat. !Pəs kotənwiwi in nian rafin, roiu tatuwin matuwın nampun tikə! Əwəh.